



Na osnovu člana 23 stava 2 tačke d Statuta Brčko distrikta BiH («Službeni glasnik Brčko distrikta BiH» broj 3/07) i članova 76 i 77 Poslovnika Skupštine Brčko distrikta BiH – prečišćeni tekst («Službeni glasnik Brčko distrikta BiH» broj 11/03), Skupština Brčko distrikta BiH na 64. sjednici, održanoj 14. februara 2008. godine, razmatrajući Nacrt zakona o obrazovanju u osnovnim i srednjim školama u Brčko distriktu BiH, donosi:

O D L U K U
O ODRŽAVANJU JAVNE RASPRAVE O NACRTU
ZAKONA O OBRAZOVANJU U OSNOVNIM I SREDNJIM ŠKOLAMA U BRČKO
DISTRIKTU BiH

Član 1

Ovom odlukom uređuje se način održavanja javne rasprave o Nacrtu zakona o obrazovanju u osnovnim i srednjim školama u Brčko distriktu BiH.

Član 2

Nosioci aktivnosti sprovođenja javne rasprave su skupštinska Komisija za saradnju s vjerskim zajednicama, obrazovanje, sport i kulturu i Odjeljenje za obrazovanje Vlade Brčko distrikta BiH.

Član 3

Zadužuje se Vlada Brčko distrikta BiH da u roku od tri (3) dana od dana usvajanja ove odluke Nacrt zakona iz člana 1 ove odluke dostavi svim članovima školskih odbora, prosvjetnim radnicima osnovnih i srednjih škola u Distriktu, te da ga učini dostupnim na WEB stranici Vlade Brčko distrikta BiH.

Član 4

Javna rasprava održat će se kako slijedi:

- 18. februara 2008. godine u velikoj sali Doma kulture u Brčkom, s početkom u 19 sati;
- 20. februara 2008. godine u prostorijama Mjesne zajednice u Maoči, s početkom u 19 sati;
- 21. februara 2008. godine u prostorijama Mjesne zajednice u Seonjacima, s početkom u 19 sati;
- 22. februara 2008. godine u prostorijama Mjesne zajednice u Ražljevu, s početkom u 19 sati.

Član 5

Finansijska sredstva za organizovanje i sprovođenje javne rasprave obezbijedit će Vlada Brčko distrikta BiH.

Član 6

Nakon sprovedene javne rasprave Komisija za saradnju s vjerskim zajednicama, obrazovanje, sport i kulturu sumirat će kompletnu raspravu i podnijeti Skupštini izvještaj s prijedlozima i mišljenjima sa javne rasprave.

Član 7

Zapisnici sa javnih rasprava bit će dostavljeni šefovima zastupničkih klubova i nezavisnim zastupnicima Skupštine Brčko distrikta BiH, najmanje sedam (7) dana prije nego što se Nacrt zakona uputi u proceduru drugog čitanja.

Član 8

Ova odluka stupa na snagu danom donošenja i objavit će se u "Službenom glasniku Brčko distrikta BiH".

Broj: 0-02-022-29/08
Brčko, 15. februara 2008. godine

PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.